

燕子诗句

1.
去郭轩楹敞，无村眺望赊。澄江平少岸，幽树晚多花。细雨鱼儿出，微风燕子斜。城中十万户，此地两三家。——杜甫《水槛遣心·其一》
2.
群芳过后西湖好，狼籍残红。飞絮濛濛。垂柳阑干尽日风。笙歌散尽游人去，始觉春空。垂下帘栊。双燕归来细雨中。——欧阳修《采桑子·群芳过后西湖好》
3.
旅食惊双燕，衔泥入此堂。应同避燥湿，且复过炎凉。——杜甫《双燕》
4.
辛苦最怜天上月，一夕如环，夕夕都成玦。若似月轮终皎洁，不辞冰雪为卿热。无那尘缘容易绝，燕子依然，软踏帘钩说。唱罢秋坟愁未歇，春丛认取双栖蝶。——纳兰性德《蝶恋花·辛苦最怜天上月》
- 5.燕子犹知社後归。君行无定期。——刘克庄《长相思·朝有时》
6.
从扑香尘拂面飞，怜渠只为解相依。经冬好近深炉暖，何必千岩万水归。——司空图《秋燕》
- 7.燕子经年梦，梧桐昨暮非。——陈与义《雨》
8.
天女伺辰至，玄衣澹碧空。差池沐时雨，颉颃舞春风。相贺雕阑侧，双

飞翠幕中。勿惊留爪去，犹冀误吴宫。——李峤《燕》

9.
每岁同辛苦，看人似有情。乱飞春得意，幽语夜闻声。整羽庄姜恨，回身汉后轻。豪家足金弹，不用污雕楹。——李山甫《燕》

10.
雨燕翻新幕，风鶺绕旧枝。画堂春尽日迟迟。又是一番平绿涨西池。——程垓《南歌子》

11.
燕子搀风入画楹，不知人傍绿窗行。香泥惊落忽飞去，却向桐华顶上鸣。——武衍《燕子》

12.
天女伺辰至，玄衣澹碧空。差池沐时雨，颉颃舞春风。相贺雕阑侧，双飞翠幕中。勿惊留爪去，犹冀识吴宫。——李峤《燕》

13.
一曲新词酒一杯，去年天气旧亭台。夕阳西下几时回？无可奈何花落去，似曾相识燕归来。小园香径独徘徊。——晏殊《浣溪沙·一曲新词酒一杯》

14.
夫婿久离别，青楼空望归。妆成卷帘坐，愁思懒缝衣。燕子家家入，杨花处处飞。空床难独守，谁为报金徽。——孟浩然《得盈盈楼上女》

15.
梦后楼台高锁，酒醒帘幕低垂。去年春恨却来时。落花人独立，微雨燕双飞。——晏几道《临江仙·梦后楼台高锁》

16.
海燕何微眇，乘春亦暂来。岂知泥滓贱，只见玉堂开。——张九龄《咏燕》

17.燕子不曾来，小院阴阴雨。——蒋春霖《卜算子·燕子不曾来》

18.

似水柔情，如花美眷，千秋佳话人争羨。依人燕子又归来，沧桑变了心难变。柳絮轻扬，春风拂面，词笺不写文君怨。江南塞外一般同，碧波深处鸳鸯现。——梁羽生《踏莎行·似水柔情》

19.

卷幕参差燕，常衔浊水泥。为黏珠履迹，未等画梁齐。——顾况《空梁落燕泥》

20.

无可奈何花落去，似曾相识燕归来，小园香径独徘徊。——晏殊《浣溪沙》

21.

芳草萋萋新燕飞，芷汀南望雁书稀。武陵洞里寻春客，已被桃花迷不归。——李群玉《恼从兄》

22.

花过雨，又是一番红素。燕子归来愁不语，旧巢无觅处。谁在玉关劳苦？谁在玉楼歌舞？若使胡尘吹得去，东风侯万户。——李好古《谒金门·花过雨》

23.

一双燕子语帘前，病客无憀尽日眠。开遍杏花人不到，满庭春雨绿如烟。——王雱《绝句》

24.

白鹭眠沙燕子斜，瓜牛庐外正桃花。欲知天地无私处，春在孤城野老家。——邱汝滨《沙溪》

25.

双燕复双燕，双飞令人羨。玉楼珠阁不独栖，金窗绣户长相见。柏梁失

火去，因入吴王宫。吴宫又焚荡，雏尽巢亦空。憔悴一身在，孀雌忆故雄。双飞难再得，伤我寸心中。——李白《双燕离》

本文链接：<https://duanjuziku.com/duanjuzi/plzl7qg1j7.html>